



Inatsisartuni ilaasortaq Michael Rosing, Demokraterne
MAANI

Piniartut aalisartullu isertitaannut, ukiuinut nunallu immikkoortuini sumiinnerinut Naalakkersuisunut apeqqummut nr. 123-mut akissuteqaat

16. august 2010
Sagsnr. 2010-032206
Dok. Nr. 438412

Piniartut aalisartullu aningaasaqarniarnerannut, ukiunut nunallu suatungaaniinnerinut Inatsisartut malittarisassaasat § 36, imm. 1 tunngavigalugu apeqquteqaatit matumuuna immikkoortortaqaarfinit akissuteqaarfigineqassaaq.

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Aallarniutigalugu erseqqissarneqassaaq apeqquteqaammi akeqquneqartunut paasisutissat tamakkiisut naalakkersuisoqarfiup piginngimmagit, avataanniit paasisutissanik assigiinngitsunik pissarsiniartariaqarneq pissutigalugu naatsorsuutigineqassammat ullut suliffiit qulit sinnerlugit apeqqutip akinissaanut piffissaqartariaqarneq.

1) Aalisartut piniartullu qassit pingaarnertut aalisarneq piniarnerlu inuussutissarsiutigaat. Qassit akuleriissillugit inuussutissarsiutigaat?

Ad 1) 2009-mi inuussutissarsiutigalugu piniarnermut akuersissutit akilernerqarsimasut nalunaarutigineqarsimasut 1.708-aapput¹. Inatsisartut inatsisaat nr. 1, 16. maj 2008-meersoq piniarneq aallaniarnerlu pillugit inatsisip allannguutaa malillugu aalisarnermik piniarnermillu inuussutissarsiutigalugu 50 %-ii sinnerlugit isertitaqarsimassapput.

Aalisarnermik piniarnermillu 75 % sinnerlugit isertitallit qanoq amerlatigineri APNN-ip allattugaatiginngilai, imaaliallaannarlu pissarsiarinissaat ilimaginagu. Piniarnermik inuussutissarsiuteqartut 2005-imi Rasmus Ole Rasmussenip nalunaarusiaani qup-berneri 51-52-imi qassit piniarnermik aalisarnermillu qanoq isertitat agguataarneri takuneqarsinnaapput. Pisortat 1993-imiit 2001 ilanngullugu paasisutissiissutaat toqqamavigalugit nalunaarusiaavoq. Kingusinnerusukkut paasisutissanik nutaanerusunik peqartoqanngilaq.

Piffissani assigiinngiiaartuni apeqqutaatillugu umiatsiat angallatillu minnerit atorlugit aalisartarneq ukiup qanoq ilineranik pisassat aqunneqartarput. Puisit amiinittaaq tuniniaasarneq ukiup qanoq ilinerani, silamik, sikumik, tunitsivissallu piareersimanerannit pissuteqartumik apeqquserneqarsinnaasarpog, sumiiffinnilu assigiinngitsuni Great Greenland A/S-ip tunisisullu akunnerminni qanoq isumaqatigiissuteqarsimani apeqqutaasarlutittaaq. Taamaattumik akuleriissillugu inuussutissarsiuteqartut qasserpiaaneri APNN-ip apeqquteqaatit tunngavigalugu sukumiisumik akisinnaanngilaa. Sumiiffinni aal-

¹) Maluginiagassaq: Malugeqquneqarpoq allagartat akilikkat kisitsisitaat tamarmiusut assigiinngissuteqarmata Sirius IT-imi datatræk atorlugit 2.436-mata aamma 1.706-Ilutik "TOAD software" atorlugit. Paasisutissiisoq: Pisanik nalunaarsuiffik *Piniarneq*

isakkanik amernillu tunisiffiusuni umiatsiaararsortut taakkuunerupput akuleriisillugu inuussutissarsiuteqartut.

Paasissutissat sukumiinerusut APNN-ip tunitsivinnit pisanillu, Great Greenlandip tunisinermi, kiisalu Akileraarnermut Aqutsisoqarfiup paasissutissaataat ataatsimoortinnerisigut paasissutissat sukumiinerusut pissarsiarineqarsinnaapput. Taaneqartut ataatsikut paasissutissanik atuasitsinikkut suleqatigiissinneqarsinnaanngimmata tamaasa immikkut paasissutissanik pissarsiorfigisariaqarput.

Sumiiffinni assigiinngitsuni tunitsivinni piniarnermut aalisarnermullu uppernarsaatit aallaavigalugit tunisanit isertitat immikkoortillugit nalunaarneqartarput. Ataani allassimasut tassaapput inuussutissarsiutigalugu uppernarsaammut paasissutissat. Takuneqarsinnaavoq tunisinermi isertitat assigiinngissutaat. Tunumi 4 million kronet missigigaat Qeqertarsuup Tunuani 80 million kroneupput. Avannaani, Qeqertarsuup Tunuani Qeqqanilu aalisakkat pingaarnertut tunisaapput. Qeqertarsuup Tunuani, Qeqqani Kujataanilu qaleruallit tunisaanerupput. Sumiiffinni tamani puisit amiinik tunisineq tamakkiisumik annikitsuinnarmik ingerlanneqarpoq, Tunumili tunisanit puisit amii annertunersaalluni. Qeqqani uumasut nunamiut annikitsuinnarmik tunisiffiooq. Rasmus Ole Rasmussenip nalunaarusiaa tunngavigalugu uumasogatigiit suuneri tunisinermi pingaaruteqanngillat, tunisisulli ataasiakkaat isertitaqarnerminni, toqqaannanngitsumillu aningaasaqarnerminnut iluaqutigaat.

2) Pingaartumik piniarnermik inuussutissarsiuteqartut qassit ukiumut isertitaasa affai sinnerlugit puisit amiinik tunisinermi isertitarisarpaat?

Ad 2) "Pingaarnertut piniarnermik inuussutissarsiuteqartut" taamaattumillu ukiumut isertittagaat APNN-ip nalunaarsugaatiginngilai. Taakkununga tunngasunik paasissutissanik katersiniarnissaq pisariussaag piffissartornassallunilu. Taamaattumik tunisanik tapisitsinerit ilutigalugit piniartut ataasiakkaat isertitaasa nalunaarusiornissaat periarfissaqanngilaq.

3) Apeqqummi 2-mi taaneqartut piniartut ukiusa agguataarnerat qanoq isikkoqarpa?

Ad 3) Takuuk ad 2) Piniarnissamut akuersissutinik akiliisimasut ukiusa agguataarneri imaapput:

< 30	299
30-39	261
40-49	524
50-59	398
>60	224

4) Piniarnermik inuussutissarsiuteqartut ukiumut Namminersortunit kommuninillu tapiiffiqineqartarnerat qanoq annertussuseqarpa?

Ad 4) Ukiumut Aningaasanut inatsisissami 2010-mi qallunaatuani qup. 444-470 allaqqasut innersuussutigissavakka, kalaallisuuani quppernerit 491 – 518, paasissutissat sukumiinerusut takuneqarsinnaapput.

Puisit amiinik tunisinermi Namminersorlutik Oqartussat tapiissuteqartarput. Ukiumi naatsorsuusiorfimmi 2009-mi 26,2 mio kr.-t tapiissutigineqarput, kiffartuussinissamillu isumaqatigiissutit tunngavigalugit 2010-mi 25,9 mio. kr.-t tapiissutaallutik.

Aalisartunut Piniartunullu siunnersuisarnerni KNAPK kiffartuussinissamik isumaqatigiissuteqarfigineqarpoq. 2009-mi 2,1 mio. kr.-uvoq, soorluli 2010-missaaq taama annertutigisoq. Taassuma saniatigut aalajangersimasumik qamutillit qaartartortaasa akiinik utertitsisarneq ingerlanneqarpoq, qamutillillu qaartartuisalu qanoq atorneqarnissaannik pikkorissartitsinernik ingerlatsisoqarluni. 2010-mi aningaasaliissutigineqarput 500.000 kr.-t.

Aalisarnermi piniarnermilu aalajangersimasumik siunertalinnut tapiissuteqartoqarpoq, 2010-mi aalisarnermut misileraanernut 108.000 kr.-t, piniarnermullu 245.000 kr.-t aningaasaliissutaallutik. Assersuutaavoq immikkut siunertalimmik aalisarnermik misilinerit, piniarnerlu eqqarsaatigalugu piniariaatsit pitsanngorsarnerinut atortunullu nutarterinernut atugassanik immikkoortiterisoqarluni. Aningaasaliissutit ilaat paasissutissiinernut atorneqassapput.

Aalisarnermi, piniarnermi nunalerinermilu aallarteqqinniarnernut 2010-mi 1.447.000 kr.-t aningaasaliissutigineqarput.

Konto pingaarneq 51.07 tunngavigalugu aalisarnermik, piniarnermik nunalerinermillu siuarsaanernut tapiissuteqartoqarpoq.

Kommunit erseqqissaatigaat piniarnermut tapiissutinik agguaassisarneq nalinginnaq atorneqanngitsaq. Pisuni ataasiakkaani kommunit lsumaginninnikkut aningaasanik utertitassanik tunisisarsimapput. 2008-mi kommunit naatsorsuutaanni aalisarnermi piniarnermilu naatsorsuutit annikitsuinnaat nalunaarsorneqarsimapput.

5) Pingaarnertut piniarnermik, pingaarnertut aalisarnermik, akuleriissillugillu inuussutissarsiutillit ukiumikkut agguataarneri qanoq isikkoqarpat?

Ad 5) Ukiuinut agguataarneri – ad 3) kiisalu ”Kalaallit Nunaanni piniartuunermik sukuaanerit” qupperit 18-25 takukkit. Taakkunani takuneqarsinnaapput sumiiffikkaartumik piniartut aalisartullu ukiuisa agguataarnerannik nalunaarsukkat takuneqarsinnaapput. Kommuunerujussuarni sisamani inuussutissarsiutigalugu uppersaatillit procentinngorlugit imatut takussutissinneqarput:

Qaasuitsup Kommunea	64
Qeqqata Kommunea	13
Kommuneqarfik Sermersooq	15
Kommune Kujalleq	8

Ilanngullugu nalunaarutigissavara piniartuuneq pillugu nalunaarussiaq www.nanoq.gl aqqutigalugu pissarsiarineqarsinnaammat.

Inussiarnersumik inuulluaqqusillunga

Ane Hansen